



**INSTAT**

**INSTITUTI I STATISTIKËS**

Rr. "Lekë Dukagjini" nr. 5, Tiranë  
Tel. 04 230 484 / 222 411 - Fax 04 228 300  
www.instat.gov.al

Regjistrimi është operacioni statistikor më i lashtë. Gjurmet të çojnë në qytetërimin aziatik, egjiptian dhe deri në qytetërimin kinez. Në Shqipëri regjistrimi më i hershëm është në vitin 1923. Që atëherë janë kryer tetë regjistrime. Regjistrimi i përgjithshëm i popullsisë dhe i banesave i vitit 2001 ka një rëndësi të veçantë. Ai fikson Shqipërinë në një moment zhvillimesh të vrullshme për vendin dhe për të gjithë botën.



design: Picto Multimedia - www.picto.it



www.repoba.al


**Një gjest  
i vogël,  
një investim  
i madh.**



**Regjistrimi  
në Europe dhe  
në botë**

**R**egjistrimi i popullsisë dhe i banesave në pjesën më të madhe të vendeve bëhet çdo 10 vjet.

Kështu ndodh në SHBA, në Indi, në Meksikë, në Indonezi, në Hungari dhe në të gjitha vendet e Bashkimit European përveç Danimarkës dhe Hollandës që ndjekin një ritëm 5 vjeçar, bashkë me Kanadanë, Australinë dhe Japoninë. Shqipëria në 50 vitet e fundit ka ndjekur ritme të ndryshme. Rregjistrimi ka qenë 5 vjeçar deri në vitin 1960, 10 vjeçar (1969-1979) dhe përsëri 5 vjeçar (1983-1989), për tu kaluar më pas në sistemin 10 vjeçar.



**INSTITUTI I STATISTIKËS  
REGJISTRIMI I POPULLSISË E BANESAVE 2001**

# Të njohim vetveten na ndihmon të gjithëve



**K**y regjistrim u takon edhe fëmijëve, si gjithë Shqipërisë. Çdo njeri është numri “Një” në regjistrim. Të marrësh pjesë në regjistrim është e rëndësishme, e lehtë dhe e sigurtë. Më shumë se 11,000 anketues do të trokasin në dyert tona, rreth një milion familje do të plotësojnë së bashku me ta pyetësorët.

Por regjistrimi nuk është i rëndësishëm vetëm për nga madhësia e tij, por edhe nga ato që ne do të mësojmë për:

- sa jemi, ç’moshë kemi dhe ku jemi?
- sa punojnë prindërit tanë dhe me çfarë aktivitesh merren?
- sa vite shkollë kemi kryer dhe çfarë profesione kemi?
- si janë ndërtuar shtëpitë tona dhe kur?
- çfarë nevojash kemi për shërbimet publike?
- sa të pranishme janë në banesat tona pajisjet?

## Si realizohet regjistrimi?

**R**egjistrimi është i saktë në qoftë se ju, që merrni pjesë në të, jeni të qartë. Për të plotësuar një pyetësor, duhet t’u përgjigjeni të gjitha pyetjeve që do të bëjë anketuesi, i cili do të trokasë në derën tuaj gjatë muajit Prill dhe do të paraqitet përpara jush me një kartë identifikimi.

Anketuesi e di që përgjigjet tuaja janë shumë të rëndësishme. Ai ka marrë pjesë në kualifikimet që ka organizuar INSTAT dhe di ta plotësojë mirë pyetësorin. Është shumë e lehtë që të marrësh pjesë në regjistrim, përgjigjet tuaja janë të asistuara nga anketuesi.

## Ruajtja e së fshehtës personale

**R**uajtja e së fshehtës personale është e garantuar me ligj, çdo person u përgjigjet të njëjtave pyetje. Përgjigjet janë private dhe janë në dispozicion vetëm të INSTAT. Karakteristikat identifikuese, si: emri, mbiemri janë të përkohëshme. Ato, pas kontrolleve teknike për saktësinë dhe qëndrueshmërinë e tyre, bëhen anonime. Do të ruhen vetëm ato të dhëna të cilat nuk kanë për qëllim dhënien e informacionit në nivel individ por të dhënat strukturore për grupet e personave me karakteristika të ngjashme.

Çdo anketues është i detyruar të ruajë sekretin e informacionit. Këtë detyrë e ka gjithashtu edhe i gjithë personeli i Regjistrimit. Kush thyen këtë ligj dënohet dhe kjo shkelje mbetet e dënueshme edhe pas përfundimit të marrëdhënieve të punës me programin e regjistrimit.

## Përgjigjet tuaja do të përdoren për JU

Rezultatet e regjistrimit përdoren nga:

- Qeveria, për hartimin e politikave të zhvillimit të vendit, siç janë: akordimi i fondeve për shërbimet publike: transportin publik, ndërtimin e shkollave të reja, parqeve, vendeve të argëtimit për fëmijë, ndërtesave publike, rrugëve të reja dhe shumë projekte të tjera.
- Bizneset i përdorin të dhënat për të kuptuar sesi duhet të shpërndajnë kapitalet, pikat e shitjes, kinematë, teatrot, bankat, dhe zyrat për të krijuar vendet e reja të punës.
- Organizatat e ndryshme përdorin rezultatet e regjistrimit për zhvillimin e programeve për shërbimet sociale dhe për qendrat e kujdesit të fëmijëve.

